

Gvangjsih Minzcuz Bau

ganhhau: CN45-0036 B.2013 Nd.7 Ng.10 liggaeuq gveiqceih nienz ndwenloeg cosam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3081期

Lingzyinz Yen Cauzlij Yauzcuz Yangh Aeu Vah Minzcuz Senhconz Hong Seuqcingh Lajmbanj

凌云县朝里瑶族乡用民族语言宣传乡村清洁工作

Geij ngoenz gonq, Lingzyinz Yen Cauzlij Yauzcuz Yangh Dangvej, Cwngfuj cizgiz gaihcanj hong senhconz "Cauzlij gyaundeih • lajmbanj seuqsat". Dangqna, aen yangh neix gungh daengz lajmbanj fat cangyisuh 2000 lai faenh. Cimdoi, gij cingzvang mizdi ginzung dingq mbouj rox Vahgun youh yawj mbouj

rox saw, aen yangh neix loegyaem gij cangyisuh gvangjbo aeu Vahcuengh, Vahgun, Vahyauzcuz gangj haenx, baez daengz ngoenzhaw couh leihyungh gvangjbo youq gwnz haw book, ginzung ndaejnyi vah dangdieg, couh rox gij neiyungz nem iugouz, neix aeundaej yaujoj gig ndei. Cimdoi, gij cingzvang dieg liz

singz gyaen senhconz mbouj daengz haenx, cwngfuj lij youq gwnz cisenhconz an gauhyinh lahbah, daengz ndaw mbanj book, hawj doenghboux ginzung dieg gyaen nem youq ndaw reihnaz guh hong haenx hix cungfaen hengzdoengh hwnjdaej.

(Loz Veihyij)

SIUSIK DINJ

简讯

● 7 nyied 6 hauh, Majsanh Yenveij, Yencwngfuj daengz Lijdangh Yauzcuz Yangh guh hozdung angqhoh "Daznuzceh". Hozdung neiyungz miz gaihmuiz vwnzyi comzyienj, gaeqdoxdoj, saujsu minzcuz conzdung dijyuz doxdax daengz; doengzseiz leihyungh baez hozdung neix guh banjbau, venj fukvang, vwnzyi comzyienj daengz hingzik senhconz minzcuz cwngcwz.

(Danz Gveilanz)

● 6 nyied 26 hauh lajbyonghngoenz, Vuzcuh Si Cangzcuh Gih Vunzcaiz Sicangz gawjhengz 2013 nienz saujsu minzcuz ciueyz cauhbinvei, miz 40 aen giyez camgya, daezhawj 1000 aen gangjei; miz 322 vnz dauj ra hong, daihgaiq miz 200 boux dabbaenz yiyang, ndawde vnz saujsu minzcuz gyawj 50 boux.

(Cangzcuh Gih Minzcunghiz)

● 6 nyied 30 hauh banhaemh, Nazboh Yen Cwngzsiengh Cin Cinyi Segih, Cwngzsiengh Duenzheiqcuengh youq yienh yinzminz gunhyenz gawjbanh angqhoh Cunghgoz Gungcanjdangj laebbaenz 92 hopbi vwnzyi comzyienj hozdung, 500 lai vnz dauj yienhciegz ngonzyawj.

(Vangz Bizvaz)

● Daj bineix dauj, Dwzbauj Yen nyinhcaen gvancez lozsis guekgya "Cibngeih Haj" geizgan minzcuz giyez daigvanj youhvei cwngcwz. Daengz 6 nyied 30 hauh, daengz yienh minzcuz giyez ndaej youhvei leihsik daigvanj 7325 fanh maenz, giyez ndaej yiengjsouh leihsik boujdiep 23 fanh maenz.

(Nungz Yungjfang)

● Vih caenh' itbouh daezsang saujsu minzcuz ganbu cunghab suciz, 6 nyied 18 hauh daengz 27 hauh, Guekgya Minzveij youq Cunghyangh Minzcuz Ganbu Yozyen gawjbanh daihcibroek geiz daengz guek saujsu minzcuz ganbu beizyinh, 101 boux yozyenz daj Huznanz, Yinzanz caeuq Gvangjsih sam aen swngj, swcigih dauj haenx camgya beizyin.

(Vangz Yungjli)

Duh'anh: Beixnuengx Yauzcuz Ciengqgo Diuqfoux Angqhoh "Cietcuzcu"

都安:瑶族同胞载歌载舞庆祝“祝著节”



7 nyied 2 hauh, Duh'anh Yauzcuz Swciyen youq Dahingh Yangh Vahgangh Yauzcuz Sinh-cunh gawjhengz hozdung angqhoh "Cietcuzcu". Gyoengq beixnuengx Yauzcuz caeuq gyoengq hek daj gizwnq dauj haenx doxcomz guhdoi, ciengq go Yauzcuz, diuq foux Yauzcuz, dwk lwggvayh, gaeqdoxdoj, baiq goengcoj Yauzcuz, nda ngaizdaizraez. Vunz-lai doengzcae gwnlaej, ciengqgo, gangigoj. Banhaemh, vanzlij gawjhengz go Yauzcuz lienziengq, foux Yauzcuz byaujyenj daengz 16 aen cizmuz. Miz 1000 lai vnz ngonzyawj le byaujyenj. Ndaw doz dwg gyoengq beixnuengx Yauzcuz doengzcae baiq goengcoj Yauzcuz.

(Hanz Ginhdaing)

Bingzgoj Yen Haijcwngz Yangh Bangfuz Yauzcuz Fazcanj Daegsaek Canjyez Baenzfouq

平果县海城乡扶持瑶胞发展特色产业致富

Bingzgoj Yen Haijcwngz Yangh gij dieg Yauzcuz comzyouq haenx diegrin lai diegnamh siuj, diuzgen gig nyauq, diegnamh bienq noix roxnaez bienq nyauq sawj dangdieg Yauzcuz fazcanj ginghci gig hoj. Danhseih, ginggvaq lai bi damqra, aen yangh neix ra ndaej diuz roen "aeu canjyezva gajbienq sizmozva" haenx, couh dwg dajndaem vagimngaenz, daiqlingx beixnuengx Yauzcuz fazcanj canjyez baenzfouq.

Youq dajndaem vagimngaenz ndawde, aen yangh neix leihyungh giswngheizvei roengz gihcwngz, fuzvu lai cungj youhsi neix, yiengq nungzhoh

gangj dajndaem vagimngaenz ndei-cawq gig lai, dawz gij ginghci yauyiz dajndaem vagimngaenz caeuq conzdung nungzyez canjyez doxbei, hawj vunz lai roxyiuj, caemhcai roengz-rengz dajndaem; doengzseiz, iucingi conghyah daengz yienhciegz guh gisuz beizyin, conghyah ciengzsaeg gangj baenzlawz dajndaem, senj dieg, ganq, fuengzre nonhaih daengz, doengzseiz hoizdap le vunz lai cam, daezsang ginzung dajndaem vagimngaenz gisuz; gibseiz ok cwngcwz bangfuz, gibseiz roengz cienzngaenz bangfuz, hawj gij nungzhoh dajndaem vagimngaenz haenx moix hoh 500

maenz; linghvaih, cungfaen leihyungh gij daigvanj soqiq diep leihsik giva swnghyuz, coengh doenghboux yaek dajndaem vagimngaenz hoeng ngaenz mbouj gaeuq haenx ceng'aeu daigvanj, 2013 nienz, aen yangh neix gungh hawj 50 hoh Yauzcuz fat daigvanj diepsik 5.5 fanh maenz.

Dangqna, aen yangh neix gungh dajndaem vagimngaenz 1250 moux, guj bineix vagimngaenz canjiez 100 lai maenz, moix hoh demsou fanh lai maenz. Dajndaem vagimngaenz gaeng baenz diuz roen ndei hawj Yauzcuz dangdieg baenzfouq he.

(Vangz Cinhhaz Cinz Siujfung)